

四庫全書

史部

欽定四庫全書

政和五禮新儀卷二十九

吉禮

祀昊天上帝儀

有司行事

時日

齋戒

奏告

陳設

省牲器

奠玉幣

進熟

望燎

時日

太常寺預於隔季以冬至祀昊天上帝於圓壇闢太
史局太史局以其日報太常寺太常寺參酌訖具時日
散告

齋戒

前祀十日受誓戒於尚書省其日五鼓贊者設位版於
公相廳下初獻官在左刑部尚書在右並南向亞終獻
禮官位於其南稍東北向西上分獻官位其後監察御
史位於其西稍北東向戶部尚書大司樂光祿卿大樂
令光祿丞位於其南稍北西向東上大樂令光祿丞位
稍却若夏祭大禮
年上公攝事增讀冊舉冊官位在光
祿卿下其揖位省牲省饌位並准此奉禮協律郎太祝
郊社太官令位於其東西向北上質明贊者引行事執

事就位立定禮直官引初獻降階就位禮直官贊揖在位者對揖初獻搢笏讀誓文云某月某日冬至祀昊天上帝各揚其職不共其事國有常刑讀訖執笏禮直官贊奉禮協律郎太祝郊社太官令先退餘官對拜乃退散齋七日治事如故宿於正寢不弔喪問疾作樂判書

刑殺文書決罰罪人及與穢惡致齋三日

光祿卿丞太官令齋一日

二日於本司

無本司者於太常齋舍質明至齋所

惟祀事得行其餘悉禁

前祀一日質明俱赴祠齋宮官給酒饌祀官已齋而闕

者通攝行事

若夏祭大禮年上公攝事未受誓戒前贊者引亞獻官以下俱立階下亞獻禮部尚

書終獻太常卿讀冊舉冊官太樂令分獻官協律郎太官令西向北上戶部尚書刑部尚書光祿卿監察御史禮官光祿丞奉禮郎太祝郊社令東向北上立定禮直官引初獻入就南向位贊揖訖歸次以俟受誓

奏告

前祀二日奏告太祖皇帝如常告之儀

陳設

前祀三日儀鸞司設行事執事官次於壇東壝門之外及齋宮之內隨地之宜設饌幔於內壝東門外道北南

向前二日光祿牽牲詣祠所前一日郊社令帥其屬掃

除壇之上下太常設正配神位席太史設正配神位版

於壇上

凡設神位版皆郊社令監視

太常設祭器

凡設祭器皆藉以席藁豆又加巾蓋

以俟告潔

既畢權徽

光祿陳牲於外階之東南內壝之外西

向祝史各位於牲後太常設省牲位於牲西三獻官禮

官在南北向分獻官在其後戶部尚書大司樂光祿卿

大樂令光祿丞奉禮協律郎太祝郊社郊社太官令在

北南向俱西上

凡設大樂令光祿丞以下位皆稍却

監察御史於戶部尚

書之西少絕光祿陳禮饌於壇之東南內壇之外南向
太常設齋饌位版於禮饌之南三獻官禮官在南北向
西上分獻官在其後監察御史在西東向戶部尚書大
司樂光祿卿大樂令光祿丞奉禮協律郎太祝郊社太
官令在東西向北上大晟設登歌之樂於壇稍南北向
設宮架於壇南內壇之外立舞表於鄼綴之間祀日丑
前五刻禮直官贊者諸司職掌各服其服太常設神位
版於壇之上下昊天上帝位於壇上北方南向席以橐

結太祖皇帝位於壇上東西向席以蒲越天皇太帝五
方大明夜明北極九位於第一龕北斗天一太一帝位
五星十二辰河漢等內官神位五十有四於第二龕二
十八宿等中官神位百五十有九於第三龕外官神位
百有六於內壇之內衆星神位三百有六十於內壇之
外第一龕皆席以橐結餘以莞而席皆內向

子階之東
第二龕鈞

星天柱真樗天厨柱史五位第三龕虛宿女宿牛宿織
女四位在前人星司命司危司非司祿天津離珠羅經
天樗奚仲左旗河鼓右旗十有三位在後天璽城琉璃代星
齊星周星晉星韓星秦星魏星燕星楚星鄭星十有二位

在內壝之內衆星三十位在內壝之外皆各為一列以
西為上丑階之東第一龕北極一位第二龕女史星紀
御女三位第三龕建星斗宿箕宿三位在前天鵲星道
漸臺敗瓜扶箱匏瓜天井天棒帛度屠肆宗人宗星宗
正十有三位在後越星趙星九次天田狗國天淵狗星
龍星農大人杵星糠星十有一位在內壝之內衆星三
十位在內壝之外皆各為一列以西為上寅階之南第
一龕青帝一位第二龕帝座一位在前尚書析木河漢
大理歲星五位在後第三龕尾星天紀心宿日星四位
在前天籥女林候星市樓宦者天江車肆斗星斛星天
市垣列肆東咸罰星十有三位在後魚星龜星傳說神宮
積卒從官天輻騎陣將軍八位在內壝之內衆星三十
位在內壝之外皆各為一列以北為上卯階之南第一
龕大明一位第二龕陰德大火天槍真戈天昧五位第
三龕房宿七公氏宿帝席大角亢宿六位在前貫索天
閏鉤鈴周伯星西咸天乳招搖梗河亢池周鼎十位在

後陣車車騎官騎垣頁折威陽門五柱天門衡星庫樓
十位在內壇之內衆星三十位在內壇之外皆各為一
列以北為上辰階之南第二龕三師輔星壽星相星太
陽守五位第三龕攝提角宿軫宿太微垣太子五位在
前天田平道進賢郎將郎位內五諸侯九卿內座三公
內座謁者幸臣常陳十有一位在後平星南門青丘長
沙上司空五位在內壇之內衆星三十位在內壇之外
皆各為一列以北為上已階之西第一龕赤帝一位第
二龕太一天一二位在前天理勢星鵠尾熒惑內厨五
位在後第三龕明堂翼宿張宿三位在前屏星從官虎
貴靈臺少微長垣黃帝座四帝八位在後左右轄軍門
器府東甌天廟酒旂六位在前天壇之內衆星三十位在
內壇之外皆各為一列以東為上午階之西第一龕黃
帝一位第二龕北斗一位在前天牢三公鶉火文昌內
階五位在後第三龕軒轅七星三台柳宿四位在前內
平太尊積薪積水北河五位在後天相天稷權星天紀

外爵天狗南河七位在內壙之內衆星三十位在內壙之外皆各為一列以東為上未階之西第二龕鎮星鶉首四輔三位第三龕鬼宿井宿參宿三位在前天尊五諸侯鉞星座旂司怪天闕六位在天社天星水位闕丘狼星狐星老人星四漬野鷄軍市水府孫星子星十有三位在內壙之內衆星三十位在內壙之外皆各為一列以東為上申階之北第一龕白帝一位第二龕實沉太伯二位第三龕觜宿五車諸王畢宿四位在前咸池天潢三柱天高礪石天街天軀七位在後丈人天矢天廁伐星屏星軍井玉井九斿參旂附耳九州珠口天節十有二位在內壙之內衆星三十位在內壙之外皆各為一列以南為上酉階之北第一龕夜明一位第二龕八穀大梁杠星華蓋四位第三龕月星昂宿胃宿三位在前積水天譏卷舌天河積尸大陵左更天大將軍南門九位在後天圓天陰天康天苑天囷昂素天庾天倉鉄鎖天淵十位在內壙之內衆星三十位在內壙

欽定四庫全書

禮記卷二十九

六

之外皆各為一列以南為上成階之北第一龕天皇大帝一位第二龕五帝內座一位在前傳舍六甲降婁三位在後第三龕婁宿奎宿壁宿三位在前右更附路閣道王良策星天厩土公雲雨霹靂九位在後屏土司空八魁羽林四位在內壝之內眾星三十位在內壝之外皆各為一列以南為上亥階之東第一龕黑帝一位第二龕鈎陳娵訾辰星紫微垣四位第三龕室宿危宿二位在前騰蛇雷電離宮造父土公吏內杵臼星蓋屋虛梁墳墓軍府十有一位在後壁壘陳斧鉞敗臼北落師門天網天錢泣星哭星八位在內壝之內眾星三十位在內壝之外皆各為一列以西為上

太常陳玉於神位之左

玉以著壁盛以匣燭玉用

禮神之玉奠於神前燭玉加於幣

配位不用玉

陳篚各於

神位之左

幣以蒼五方帝日月與內官各隨方色

祝版各於神位之右置

於坵

若夏祭大禮年上公攝事用竹冊置於案

太常設祭器光祿實之正配

位各左十有二籩為三行以右為上

第一行形鹽在前魚鱸糗餌粉餐次

之第二行榛實在前乾桃乾榛乾棗次之第三行菱在前茨栗鹿脯次之

右十有二豆為三

行以左為上

第一行芹菹在前荀菹葵菹菁菹次之第二行藟菹在前鮑食魚醢次之第三行肥

醢在前鹿醢醢醢醢食次之

俎三一在籩前

實以牛脰七體兩髀兩肩兩脅并脊兩髀在兩

端兩肩兩脅次之脊在中

二在豆右為二重以北為上

第一重實以牛脰腸胃肺

離肺一在上又剗肺三次之腸三胃三又次之第二重實以牛熟腸胃肺其載如脰若配位即以東為上登

一在籩間

實以太羹

槃一在登前

實以毛血

簋二簋二在籩豆外

簋在左簋在右

簋實以稻粱粱在稻前
簋實以黍稷稷在黍前

設太尊五山尊

五為二重在壇上東南隅北向西上

配位即設於正
位酒尊之東

太

尊在前皆有坫加勺冪為酌尊

太尊實以明水為上尊
餘實以泛齊代以供內

法酒初獻酌之山尊實以明水為上尊餘
實以醴齊代以祭祠法酒亞終獻酌之

又設太尊二

山尊二在神位前

太尊實以泛齊山尊實以
醴齊各以一尊實明水

著尊二犧

尊二在午階之西第一龕

著尊實以盎齊犧尊實以醴
齊各以一尊實明水若配位

即設於酉階
之北第一龕

象尊二壺尊六在壇下午階之西

象尊一
實明水

一實沉齊壺尊三實玄酒三實三酒明水玄
酒皆在上若配位即設于壇下酉階之北

俱北向西

上若配位即東向北上皆加冪五齊三酒設而不酌第一龕每龕

左八簋為一行以右為上

第一行形鹽在前魚鱸次之第二行乾桃在前乾蓀乾棗

次之第三行芡在前鹿脯糝食次之

右八豆為三行以左為上

第一行芹菹在前筍

菹次之第二行菁菹在前韭菹魚醢次之第三行兔醢在前鹿醢醢次之

俎二在籩豆外

左實羊腥一髀右實豕腥一髀

簋一簋一在俎前簋在左簋在右

簋實稷簋

實登一在籩豆之間

實以大羹

爵一在俎前加拊

實以祠祭法酒

第

二三龕每位各左一籩

桌在前鹿脯次之

右二豆

菁菹在前鹿醢次之

俎

一在籩豆之外

實以羊豕腥肉

爵一次之

實以祠祭法酒

簋一簋一在

爵之前簋在左簋在右

簋實以稷
簋實以黍

登一在籩豆之間

實以

大

爵一在俎前加拊

實以祠祭法酒

內壝內外每位左一籩

實以

鹿脯

右一豆

實以鹿醢

俎一在籩豆之外

實以羊豕腥肉

爵一次之

實以

祠祭法酒

簋一簋二在俎之前簋在左簋在右

簋實稷
簋實黍

第一

龕每龕設太尊二著尊二太尊在右

太尊一實以祠祭法酒餘皆實明水

第二龕每龕設犧尊二第三龕每龕設象尊二壺尊二

內壝之內每階設概尊二內壝之外每階設散尊二皆

加勺帛

皆一實明水一實以祠祭法酒

在神位之左太常設燭於神位

前又設組二於饌幔內洗二於外階之東北向

盟洗在東以爵

加

禮官分獻官盥洗各於階道之左俱內向執壘篚者

位其後又設揖位於外階之東內壝之外如省牲位

惟不

設光祿卿丞位

積柴於燎壇設望燎位於外階之東南內壝之

內三獻官禮官在北南向西上分獻官在其後監察御

史在西東向戶部尚書大司樂大樂令奉禮協律郎太

祝郊社令在東西向北上又設三獻官禮官席位於外

階之東北西向南上分獻官位其後戶部尚書席位於

郊階之東南西向設監察御史席位於午階之南北向

夏祭大禮年上公攝事增讀冊舉冊官位於監察御史之西

奉禮郎太祝郊社太官

令位於其後光祿卿席位於大司樂之東俱北向西上

又設監察御史位於壇上樂廡之北在西東向奉禮郎

太祝郊社令在東西向北上

夏祭大禮年上公攝事增讀冊舉冊官位在奉禮郎後

大樂令於樂廡之北太官令於酌尊所俱北向協律郎

位二一於壇上樂廡之北一於宮架之西北俱東向大

司樂位於宮架之北北向

省牲器

前祀一日行事執事官集初獻齋所肄儀太祝習讀祝文視玉幣及神位版訖並赴壇所各就次禮直官贊者分引行事執事官詣壇東省牲

凡初獻行事禮直官引餘官皆贊者引

立

定禮直官贊揖次引大司樂入行樂架次引監察御史

升自外階

凡行事執事官升降皆自外階

視滌濯執事者舉冪曰潔降

復位禮直官稍前曰告潔畢請省牲太祝出班巡牲一匝詣初獻前西向躬曰充退復位先祿丞出班巡牲一

臣詣初獻前西向躬曰臚退復位禮直官贊省牲畢請
詣省饌位揖訖引行事執事官各就位立定禮直官贊
揖所司省饌具畢禮直官贊省饌畢揖訖俱還齋所光
祿丞太祝以次牽牲詣厨授太官令次引監察御史詣
厨省鼎鑊視祭器滌漑協律郎展視樂器仍還齋所未
後一刻太官令帥宰人以鸞刀割牲祝史以槃取毛血各
置於饌所遂烹牲脯後郊社令帥其屬掃除壇之上下
訖還齋所

奠玉幣

祀日丑前五刻

行事用丑時七刻

初獻以下並赴壇所就次郊

社令先入視設神位版訖退樂正帥工二舞入就位

登歌

工人俟監察御史燕闕訖升郊階各就位

次太常令帥其屬實饌具畢次引

光祿卿入詣午階之南席位北向立贊者曰再拜光祿

卿再拜升壇點視禮饌畢次引監察御史升壇點閱陳設

糾察不如儀者

凡點視點閱皆先詣正位

光祿卿還齋所餘官各服祭

服次引行事執事官各就郊階東內壝外揖位立定禮直

官贊揖次引大司樂大樂令協律郎先入就午階南席位
北向立贊者曰再拜各就位次引監察御史奉禮郎太祝
郊社太官令入就午階南席位北向立

若夏祭大禮年
上公攝事則又

引讀冊
舉冊官

次引初獻戶部尚書亞獻終獻禮官分獻官各

入就郊階東席位西向北立禮直官稍前贊有司謹具
請行事協律郎跪俛伏舉麾興工鼓祝宮架作景安之

樂帝臨嘉至之舞六成偃麾戛敔樂止

凡樂皆協律郎
跪俛伏舉麾興

工鼓祝而後作偃
麾戛敔而後止

太常升煙燔牲首贊者皆曰再拜在

位者皆再拜次引監察御史奉禮郎太祝郊社太官令

升壇各就位立定

大官令就位酌尊所

次引初獻詣盥洗位宮

架正安之樂作

凡初獻升降行止皆作正安之樂

至洗位北向立搯笏

盥手悅手執笏升壇樂止登歌樂作詣昊天上帝神位

前北向立樂止登歌嘉安之樂作搯笏跪次引奉禮郎

搯笏西向跪執笏者以玉幣授奉禮郎奉禮郎捧玉幣

授初獻訖執笏興先詣太祖皇帝神位前北向立初獻

受玉幣奠訖執笏俯伏興再拜訖樂止次引初獻詣太

祖皇帝神位前東向立

酌獻詣配位准此

奠幣如上儀

惟登歌作定安

之樂樂止奉禮郎復位初獻將降壇登歌樂作降階樂止

宮架樂作復位樂止

進熟

祀日有司設鼎二於神厨各在鑊右光祿帥進饌者詣

厨以七升牛於鑊實於一鼎

肩臂臠肫脰正脊一橫脊一直脊一長脊一短脊一

代胾一皆二骨以並正配位各實一鼎

皆設扃冪祝史對舉入設於饌幔

內俟初獻既升奠玉幣入陳於外階下西向北上祝史

抽扃委於鼎內除幔初鼎序入有司執匕及俎以從至

郊階下俎各設於鼎西北加於鼎光祿以匕升牛各載

於一俎

肩臂臑在上端肫胙在下端脊脅在中正配位各設一俎

鼎先退次引戶部

尚書詣郊階下播笏捧俎升壇宮架豐安之樂作詣昊天上帝神位前北向跪奠執笏俯伏興有司設於豆前次詣太祖皇帝神位前東向奉俎如上儀訖樂止降復位初獻俎訖引太祝取菹孺於醢登於豆間三又取黍稷肺祭如初俱藉以茅退復位次引初獻再詣盥洗位

宮架樂作至洗位北向立搯笏盥手帨手執笏詣爵洗
位北向立搯笏洗爵拭爵以授執事者執笏升壇樂止
登歌樂作詣正位酌尊所西向立樂止登歌嘉安之樂
作執事者以爵授初獻搯笏執爵執尊者舉冪太官令
酌太尊之泛齊訖先詣配位酌尊所北向立初獻以爵
授執事者執笏詣昊天上帝神位前北向立搯笏跪執
事者以爵初獻執爵祭酒三祭於茅苴奠爵執笏俯伏
興少立樂正次引太祝於神位前東向搯笏跪讀祝文

讀訖執笏興先詣太祖皇帝神位前南向立

若夏祭大禮年上公

攝事則次引讀冊舉冊官詣神位之右舉冊官揖笏對捧冊跪讀冊官東向揖笏跪讀冊文讀訖各執笏興先

詣配帝神位前南向立

初獻再拜次詣太祖皇帝神位前酌獻並

如上儀

惟登歌作來安之樂

太官令復詣正位酌尊所太祝復位

初獻將降壇登歌樂作降階樂止宮架樂作復位樂止

文舞退武舞進宮架正安之樂作舞者立定樂止次引

亞獻詣盥洗位北向立搯笏盥手悅手執笏詣爵洗位

北向立搯笏洗爵拭爵以授執事者執笏升壇詣正位

酌尊所西向立宮架作文安之樂神保錫羨之舞執事者以爵授亞獻官亞獻措笏執爵執尊者舉冪太官令酌山尊之醴齊訖先詣配位酌尊所北向立亞獻以爵授執事者執笏詣昊天上帝神位前北向立措笏跪執事者以爵授亞獻亞獻執爵祭酒三祭於茅苴奠爵執笏俛伏興再拜次詣太祖皇帝神位前行禮並如上儀訖樂止降復位次引終獻詣洗及升壇行禮並如亞獻之儀降復位初亞獻將升獻分引禮官及分獻官各詣

盥洗位搢笏盥手悅手執笏詣從祀神前搢笏跪奠幣

執爵三祭酒奠爵

神位無幣者俱祭酒

執笏俛伏興再拜復位次

引太祝詣正配神位前徹籩豆登歌肅安之樂作卒徹樂止次引郊社令束茅訖俱復位禮直官曰賜胙贊者承傳曰賜胙再拜在位者皆再拜送神宮祭景安之樂作一成止

望燎

初景安之樂畢引三獻官戶部尚書禮官分獻官詣望

燎位宮架樂作至位樂止有司各詣神位前取玉幣祝

版饌物及牲之左髀求茅置主燎壇

至夏祭大禮年上公攝事則又取祝

冊置於燎壇

次引監察御史大司樂大樂令奉禮協律郎太

祝郊社令詣望燎位立定禮直官曰可燎火燎半柴次

引初獻以下詣東壝門外揖位立定禮直官贊禮畢揖

訖退太官令帥其屬徹禮饌次引監察御史詣壇監視

收徹訖還齋所光祿以昨奉進監察御史就位展視光

祿卿望闕再拜乃退

政和五禮新儀卷二十九

欽定四庫全書

政和五禮新儀卷三十

吉禮

皇帝宗祀上帝儀一

時日

齋戒

奏告

陳設

車駕自太廟詣文德殿

省牲器

奠玉幣

進熟

望燎

紫宸殿受賀

宣德門肆赦

時日

前期降御札以今年季秋宗祀於明堂太常寺帖太史局擇日報太常寺參酌訖申奏具時日散告

齋戒

前祀十日質明有司設行事及陪祠文武官位於朝堂

太宰刑部尚書在北南向太常在左刑部尚書在右

刑部

尚書
猶却

行事太宰左丞在東南吏部尚書戶部禮部兵部

工部尚書吏部禮部侍郎大司樂光祿卿大樂令光祿

丞功臣獻官在其南

凡設大樂令
下位皆猶却

執事官又在其南俱

北向西上監察御史位二在東西向北上讀冊舉冊官

奉禮協律郎太祝郊社太官令在東西向北上

奉禮郎以下位

皆稍却

設陪祠文武百官位於行事官之南又設行事執

事及陪祠親王宗室位於太廟齋坊少宰刑部侍郎在

北南向少宰在左刑部侍郎在右

刑部侍郎稍却

亞終獻在南

北向西上親王及行事執事陪祠宗室在東西向北上

東上閣門御史臺太常寺自下分引羣官各就位

凡將引行

事執事文武陪祠官立班即御史臺司殿中侍御史一員先入就位

太宰讀誓於朝堂刑

部尚書泣之少宰讀誓於太廟齋坊刑部侍郎泣之誓

文曰今年九月某日皇帝宗祀於明堂前二日朝獻景

靈宮前一日朝享太廟各揚其職其或不恭國有常刑

讀訖

內朝堂執事官奉禮郎以下文官宣德郎以下武官從義郎以下先退

餘官並對拜

訖退皇帝散齋七日於別殿致齋三日

一日於文德殿一日於太廟一

日再拜赴
文德殿

凡散齋不吊喪問疾作樂有司不判刑殺文

書致齋日前後殿不視事惟行祀事前致齋一日殿中

監帥其屬舍鋪御座於文德殿當中南向設東西房

於御座之左右稍北又設西閣及齋室於殿後之左右
殿上前楹施簾致齋之日質明有司陳法駕鹵簿於宣
德門外尚輦陳平輦於垂拱殿庭文武百官俱就次各
服其服東上閣門奏請皇帝未後詣齋室通事舍人等
自下分引知樞密院事以下詣垂拱殿庭立班東上閣
門附內侍進班齋牌垂拱殿簾降皇帝乘輦出至殿上
少駐輦官迎駕自贊常起居宣輦官上殿簾捲鳴鞭行
門禁衛諸班親從迎駕自贊常起居次舍人先贊內侍

省官以下常起居次樞密下通班起居贊祇候引駕樞
密知客省事以下至僉書東上閣門官分左右立六尚
局應奉官祇應通侍大夫以下武功大夫以下並先退
次管軍臣僚宣名常起居贊祇候引駕並分左右前導
輦降東階垂拱殿門外禁衛諸班親從自贊常起居次
行宮使御營巡檢一班常起居如通侍大夫以下知客
省事以下武功大夫以
下知內事兩省帶御營器械官
充營宮使御營巡檢各歸本班至文德殿後閣降輦入
西閣文德殿簾降前導官並就次易朝服詣御榻前分左

右侍立

知樞密院事僉書樞密院事在東西向北上同知樞密院事在東西向左輔一員在樞密事院

之北贊拜東上閣門官一員又在北並西向知客省事以下在僉書樞密院之南稍東西向北上僉書知客省事以下又在

其南稍却

通事舍人等分引行事執事陪祠文武官

各綰結佩入詣文德殿庭次引立班禮部侍郎奏請中嚴侍臣詣幄奉迎內外符寶即奉寶先出陳詣御榻之左右少頃引禮部侍郎奏外辦皇帝服通天冠絳紗袍綰結佩出西閣乘輿稱警蹕侍衛如常儀由西房至御榻西降輿皇帝即御座南向侍臣夾侍贊拜東上閣門

官於榻前贊樞密以下拜殿之上下應在官皆再拜

東

閣門官贊拜訖轉身北向
隨拜畢面西贊各祇候

次禮直官引左輔詣御座前

俛伏跪奏稱左輔具官臣某言請皇帝降座就齋室奏

訖俛伏興還侍立

凡左輔奏
請准此

皇帝降座乘輿由東房入

齋室侍各還所司直衛如常儀通事舍人分引行事執

事陪祠文武官以次出

都堂侍從官並尚書侍郎分宿
於秘書省中書後省餘官內庭

有所司者各宿於其司諸方客
使許赴陪位者各宿於其次

凡散齋治事如故惟不

吊喪問疾作樂判書刑殺文書決罰罪人及與穢惡致

齋之日官給酒饌惟視祀事得行其餘悉禁與祀之官已齋而闕者通攝行事

奏告

前祀二日奏告神宗皇帝室如常告之儀

陳設

前祀三日殿中監帥其屬尚舍設大次於明堂東門之外西向儀鸞司設文武侍臣次於行事明堂門之外文官在左武官在右隨地之儀行事陪祠宗室及有司次

各如其式設東方南方客使次於文官之後西方北方
客使次於武官之後設饌於明堂門外東西相向前祀
二日郊社令帥其屬掃除明堂內外置燎壇於明堂庭
之東南隅郊社令積柴於燎壇光祿牽牲於祠所大禮
使太宰左丞在南北向西上監察御史位二俱在西東
向北上行事吏部戶部禮部兵部工部尚書吏部禮部
侍郎大司樂光祿卿讀冊舉冊官太樂令光祿丞奉禮
協律郎搏黍太祝郊社太官令在東西向北上禮部帥

其屬設祝冊案於神位之右司尊彝帥其屬設玉幣篚於酌尊所次設籩豆簋簋之位每位皆左十有一籩右十有一豆俱為三行俎三二在籩前一在豆前又俎六在豆右為二重登一在籩豆間鉶三右登之前簋一簋一在籩豆外二俎間簋在左簋在右又設尊坫之位每位皆太尊五山尊五為二重在堂上東南隅北向西上

配位設於正位酒尊之東

太尊在前皆有坫加酌罍為酌尊又設太

尊二山尊二在神位前著尊二犧尊二象尊二壺尊六

在堂下俱北向西上

配位即設於正位之東

皆加帛設而不酌又

設正配位籩豆簋簠槃各一俎各三於饌幔內太常設

御洗二於丹墀上直東嚮北向

盥洗在東爵洗在西

壘在洗東加

酌籩在洗西南洗實以巾

若爵洗之籩則又實以爵加玷

設皇帝位於

洗南北向內侍酌水位於洗東執巾位於酌水內侍之

北俱西向吏部侍郎位於爵之西東向又設亞終獻盥

洗爵洗於本位之南壘籩各設於左右皆內向執壘籩

者位其後祀日丑前五刻郊社令與太史官屬各服其

服升堂設上帝神宗皇帝神位版於堂上太府卿少府

監帥其屬陳玉幣於籩

玉上帝以蒼璧盛以匣幣皆以蒼配位不以玉

禮神

之玉置於神位前燔玉加於幣光祿帥其屬入實蓬豆

簠簋

蓬三行以右為上第一行鹽在前魚鱠醢餠次之第二行榛在前乾桃乾榛乾棗次之第三行菱在

前芡棗鹿脯次之豆三行以左為上第一行芹菹在前荀菹葵菹菁菹次之第二行韭菹在前醢食魚醢兔醢次之第三行肫拍在前鹿醢醢次之

大官令帥其屬入

實俎

蓬前之俎為二重以北為上第一重實以牛腥七體兩骨兩肩兩脅並脊兩髀在兩端兩脅兩肩次

之脊在中第二重實以羊腥七體其載如羊豆右之俎為二重以北為上實以豕腥七體其載如羊豆右之俎為二重以北為上

第一重一實以牛腥腸胃肺離肺一在上端刺肺三次
之腸三胃三又次一實以羊腥腸胃肺其載如牛一實
以羊腥腸胃肺九橫左第二重一實以牛熟腸胃肺一實以
羊熟腸胃肺一實以羊膚九其載如腥牛在左羊在中
承在右若配位
即以東為上
良醞令帥其屬入實尊
太尊實以泛齊
山尊實以醴齊
著尊實以盎齊犧尊實以醞齊象尊實以沉齊各一尊
實明水壺尊三實玄酒三實三酒明水玄酒皆在上

大常設燭於神位前又設大禮使以下行事執事官揖
位於明堂東偏門之外如省牲位所司陳異寶嘉瑞及
伐國之寶於宮架之南東西相向

政和五禮新儀卷三十

欽定四庫全書

政和五禮新儀卷三十一

吉禮

皇帝宗祀上帝儀二

車駕自太廟詣文德殿

前祀一日皇帝於太廟朝饗畢既還大次禮部郎中奏
解嚴皇帝常服乘輿還齋殿所司轉仗衛鹵簿陪祠文
武官先赴宣德門外導駕官以下就次各服其服尚輦

奉御進輿於齋殿乘黃令進玉輅於廟南門外稍西南
向設千牛將軍一員位於輅前北向門下侍郎一員位
於左輔之前贊者二人位又於其前少頃知客省事以
下知內侍省事以下帶御器械官祇應通侍大夫以下
武功大夫已下並六尚局應奉官於齋殿前鬪班立定
東上閣門御史臺太常寺分引管軍臣僚及左輔門下
侍郎太僕卿乘黃令詣齋殿門外立班並北向東上乘黃
令位次引導駕官以下俱詣大次門外分東西相向立
其後

以俟奉迎前導次引行宮使御營巡檢等在其後禮直

官通事舍人引禮部侍郎奏請中嚴

凡左輔門下侍郎禮部侍郎奏請皆

禮直官通事舍人引

少頃又奏外辦皇帝服通天冠絳紗袍乘輿

以出稱警蹕如常儀行門禁衛諸班親迎駕奏聖躬萬
福次知客省事以下知內侍省事以下帶御器械官祇
應通侍大夫以下武功大夫以下六尚局應奉官闕班
迎大晟陳登歌之樂於堂上前楹間稍前南北向設宮
架於庭中立舞表於節綴之間前祀一日太常設神位

席太史設神位版上帝位於堂上北方南向神宗皇帝
位於堂上東方西向俱席以莞奉禮部禮直官設皇帝
位版於阼階之上西向飲福位於上帝位之西南北向
望燎壇於柴壇之北南向贊者設亞中獻位於堂下東
階之東少南西向大禮使太宰左丞在於其南行事吏
部戶部禮部兵部工部尚書吏部禮部侍郎光祿卿讀
冊舉冊官光祿丞位於大禮使之東
光祿丞
稍却奉禮郎搏
黍太祝郊社大官令位於亞獻之北少東俱西向北上

監察御史位二並於堂下西階之西東向北上協律郎
位二一於堂下前楹間少西一於宮架之西北俱東向
大樂令位於登歌樂簾之北大司樂位於宮架之北良
醞令位於酌尊所俱北向又設陪祀文武官位於橫街
之南諸方客使在文官之南隨其方國光祿陳牲於明
堂東偏門之外北向祝史各位於牲後太常設省牲位
於牲北大禮使太宰左丞在西東向北上吏部戶部禮
部兵部工部尚書吏部禮部侍郎大司樂光祿讀冊舉

冊官太樂令光祿丞奉禮協律郎搏黍太祝郊社太官

令在東西向北上

凡設太樂令以下位皆稍却

監察御史在吏部尚

書之北異位稍却光祿陳禮饌於明堂東偏門外稍東

南向太常設省饌位版於禮饌之南導駕官奏聖躬萬

福次引管軍臣僚奏聖躬萬福次左輔以下常起居次道駕

官北向常起居

內有已起居者止奏聖躬萬福

分東西立次行宮使御

營巡檢常起居

該宣名者並宣名

太僕卿出詣玉輅所攝衣而

升正立執轡導駕前導皇帝至廟南門內少東左輔進

當輿前俛伏跪奏左輔具官臣某言請皇帝降輿奏訖

俛伏興退復位

凡左輔奏請準此

皇帝降輿步出門外至玉輅

所千牛將軍前跪執轡左輔奏請升輅乘黃令稍前東

向進玉輅皇帝升輅太僕卿立授綏導駕分左右步導

門外侍郎進當輅前俛伏跪奏稱門下侍郎具官臣某

言請車駕進發奏訖俛伏興退復位

凡門下侍郎奏請準此

車駕

動稱警蹕左輔先詣廟西門內以俟門下侍郎及贊者

夾侍以出千牛將軍夾輅而趨車駕將及廟西門至侍

臣上馬所門下侍郎奏請車駕少駐勅侍臣上馬左輔
前承旨退稱曰制可門下侍郎傳制稱侍臣上馬贊者
承傳勅侍臣上馬諸侍衛之官各督其屬左右翊駕在
黃麾內符寶郎奉八寶前導殿中監後部從導駕官夾
侍於前贊者在左輔門下侍郎之前侍臣上馬畢門下
侍郎奏請車駕進發車駕動稱警蹕不鳴鼓吹駕鹵簿
前導車駕將至宣德殿門東上閤門御史分引陪祠文
武官宗室客使禮直官贊者引行事執事者序班再拜

奉迎訖退

內有已起居者止奏聖躬萬福

大內留守見再拜訖退車駕

及門少駐文武侍臣皆下馬導駕官步導入門車駕動
千牛將軍夾輅而趨至右昇龍門迴輅東向千牛將軍
立于輅右左輔奏請皇帝降輅乘輿尚輦奉御進輿於
輅後皇帝乘輿歸文德殿侍衛如常儀導駕步導至殿
門皇帝降輿歸殿後閣簾降通事舍人承旨勅羣臣各
還次學士院以祝冊授通進司進御書訖付尚書禮部
有司轉鹵簿仗衛自宣德門陳列南至天漢橋以至祀

畢不得輒離其所

省牲器

省牲之日未後三刻郊社令帥其屬掃除內外司尊彝

帥府史及執事者以祭器入設於位

凡設祭器皆藉以席籩豆又加巾蓋

太府卿少府監入陳玉幣於篚

告潔畢權徹

贊者分引大禮

使以下詣東偏門外省牲位立定光祿卿丞與執事者

牽牲就位定禮直官贊者引太司樂架

凡亞終獻行事皆禮直官太常

博士引大禮使太宰左丞行事皆禮直官引餘官皆贊者引

次引禮部尚書入升自

西階視滌濯

凡行事執事官升降皆自西階

次又引太宰申視滌濯執

事者皆舉冪曰潔俱復位禮直官稍前曰潔畢請省牲
次引禮部尚書侍郎稍前省牲訖退復位次引光祿卿
出班巡牲一匝西向躬曰膾俱復位禮直官稍前曰省牲畢請
就省饌位贊揖訖引大禮使以下各就位立定禮直官
贊揖所司省饌具畢禮直官贊省饌具畢揖訖俱還各
所光祿卿丞及執事者以次牽牲詣厨授太官令次引

禮部尚書詣厨省鼎鑊視滌漑協律郎展禮樂器乃還
齋所晡後一刻太官令帥宰人以鸞刀割牲祝史各取
毛血實於槃俱置饌所遂烹牲郊社令帥其屬掃除內
外

奠玉幣

祀日丑前五刻

行事用丑
時七刻

諸興祀及陪祠之官各服其

服郊社令與太史官入設神位版太府卿少府監入陳
玉幣光祿卿入實籩豆簋簠太官令入實俎良醢令入

實尊樂工帥工人二舞以次入與執事疊篚帟者各就位次通事舍人等分引陪祠文武官及宗室客使各人就位次禮直官贊者分引大禮使以下行事執事官詣明堂東偏門外揖位立定禮直官贊揖次引監察御史次引大禮使以下入就位次引監察御史按視堂之上下糾察不如儀者退復位尚輦奉御進輿於齋殿皇帝服通天冠絳紗袍乘輿以出近侍及扈從之官導從至大次門外皇帝降輿入次簾降禮儀使樞密院官太常

卿東上閣門官太常博士禮直官分立於大次外之左
右引禮部侍郎詣前奏請中嚴少頃又奏外辦符寶郎
奉寶陳於宮架之北禮儀使當次前俛伏興跪奏禮儀
使具官臣某言請皇帝行事奏訖俛伏興還侍位

禮儀使奏

禮畢

此簾捲皇帝服袞冕以出侍衛如常儀禮儀使以下

前導至明堂東門外殿中監跪進大圭殿中少監副之

凡殿

中監進圭受圭
皆少監副之

禮儀使奏請執大圭前導皇帝入自正

門

侍衛不應入
者止於門外

協律郎跪俛伏舉麾興

凡行禮直事者
取物奠物皆跪

僂伏與

工鼓祝官架儀安之樂作

皇帝升降行止皆奏儀安之樂

至階下

偃麾戛敔樂止

凡樂皆協律郎跪僂伏舉麾興工鼓祝而後作偃麾戛敔而後止

升自

阼階登歌樂作

左右侍衛之官量人數從升

至版西向立樂止禮儀

使以下分左右侍位

凡行禮皆禮儀使樞密院官太常卿東上閣門官太常博士禮直官

前導至位則分立於左右

禮儀使前奏有司謹具請行事官架作誠

安之樂右文化俗之舞六成止太常升煙燔牲首禮儀

使奏請再拜皇帝再拜贊者曰再拜在位官皆再拜太

宰吏部尚書侍郎由西階升堂詣上帝神位前立定太

宰吏部尚書俱西向北上侍郎東向禮儀使以下前導
皇帝詣盥洗位登歌樂作降自阼階樂止宮架樂作至
洗位北向立樂止內侍酌水以進禮儀使奏請搢大圭
盥手內侍跪取巾以篚興以進皇帝帨手內侍受巾跪
奠於篚禮儀使奏請執大圭前導皇帝升堂大禮使從
皇帝升降大
禮使皆從 宮架樂作至阼階下樂止升自阼階登歌
樂作至堂上樂止登歌鎮安之樂作殿中監視進鎮圭
禮儀使奏請搢大圭執鎮圭前導皇帝詣上帝神位前

北向立內侍先設繅藉於地禮儀使奏請跪奠鎮圭於繅藉執大圭俛伏興又奏請搢大圭跪內侍加玉於幣以授吏部尚書吏部尚書以授太宰太宰西向跪以進禮儀使奏請受玉幣皇帝受奠訖吏部侍郎東向跪受以興進奠於上帝神位前太宰吏部尚書侍郎俱詣神宗皇帝神位前以俟禮儀使奏請執大圭俛伏興內侍取鎮圭繅藉詣神宗皇帝神位前先設繅藉於地禮儀使奏請再拜樂作皇帝再拜訖樂止禮儀使前導皇帝

詣神宗皇帝神位前先設東向奠幣並如上儀

惟登歌作信安

樂之

太宰以下俱復位禮儀使前導皇帝還版位登歌樂

作內侍舉鎮圭繅藉以鎮圭授殿中監以還有司皇帝
至版位西向立樂止祝史奉毛血槃立於橫街之南升
自西階太祝迎於堂上俱進奠於神位前太祝祝史退
位於奠所

政和五禮新儀卷三十一

欽定四庫全書

史部

政和五禮新儀卷三十二至

六

詳校官編修臣曹錫齡

編修臣程嘉謨覆勘

總校官庶吉士臣何思鈞

校對官主簿臣汪日贊

謄錄監生臣林李

欽定四庫全書

政和五禮新儀卷三十二

吉禮

皇帝宗祀上帝儀三

進熟

祀日有司陳鼎六於神厨各在鑊右太官令帥進饌者

詣厨以七升牛於鑊實於一鼎

肩臂臑肱胙正脊一肱一脊一橫脊一長脊一短

皆二爵以並次升羊如牛實於一鼎次升豕如羊實於

欽定四庫全書

政和五禮新儀

一鼎

每位牛羊
承各一鼎

皆設局冪祝史對舉入陳於饌幔內重

行以北為上光祿實籩豆簋簋於饌幔內

籩實以粉食
豆實以糝食

簋實以梁
簋實以稷

次引禮部侍郎詣饌所視腥熟之節俟皇帝

升奠玉幣訖還位樂止引禮部尚書詣饌所執籩豆簋

簋以入戶部兵部工部尚書詣饌所奉俎以入

戶部奉
牛兵部

奉羊工
部奉承

太官令引入正門宮架僖安之樂作陳於西階

下北向北上奉牲者在南祝史抽局委於鼎右陳冪初

鼎序入有司執匕及俎以從至西階下各設於鼎北匕

加於鼎太官令以七升牛載於一俎

肩臂膈在上端肱
胛在下端脊脅在

中

次升羊及豕各於一俎其載如牛

每位牛羊
豕各一俎

鼎先退

祝史進徹毛血饗以次出引禮部尚書搢笏執籩豆簋

簋戶部兵部工部尚書奉俎以升執事者各迎於堂上

禮部尚書奉籩豆簋詣上帝神位前北向跪奠啓蓋

於下執笏俛伏興有司設於豆右腸胃膚之前

皆牛在
左羊在

中丞
在右次詣神宗皇帝神位前東向跪奠並如上儀樂止

俱降復位太祝取菹孺於醢祭於豆間三又取黍稷肺

祭如初皆藉用茅各還退尊所次引太宰左丞詣上帝
神位前西向立以北為上次引吏部侍郎詣爵洗位東
向立禮儀使前導皇帝升堂宮架樂作至阼階下樂止
升自阼階登歌樂作至堂上樂止登歌慶安之樂作吏
部侍郎奉爵詣正位酌尊所西向立執尊者舉冪良醕
令酌大尊之泛齊訖先詣配位酌尊所北向立禮儀使
前導皇帝詣上帝神位前北向立禮儀使奏請搢大圭
跪吏部侍郎以爵授左丞左丞授太宰西向跪以進禮

儀使奏請執爵祭酒

三祭於茅直

奠爵執大圭俛伏興又奏

請皇帝少立樂止太宰左丞俱詣神宗皇帝神位前北
向立以俟舉冊官舉祝冊進於上帝神位之右讀冊官
搢笏東向跪讀祝文讀訖執笏興先詣神宗皇帝神位
前南向立禮儀使奏請再拜皇帝再拜有司奠冊於上
帝神位前禮儀使前導皇帝詣神宗皇帝神位前酌獻
並如上儀

惟登歌作孝安之樂

太宰以下俱復位禮儀使前導皇

帝還版位登歌樂作至版位西向立樂止文舞退武舞

進宮架穆安之樂作舞者立定樂止禮直官太常博士
引亞獻詣盥洗位北向立搢笏盥手帨手執笏詣爵洗
位北向立搢笏洗爵拭爵以授執事者執笏升堂詣正
位酌尊所西向立宮架作穆安之樂成功盛德之舞執
事者以爵授亞獻亞獻搢笏執爵執尊者舉冪太官令
酌山尊之醴齊酌訖先詣配位酌尊所北向立亞獻以
爵授執事者執笏詣上帝神位前北向搢笏跪執事以
爵授亞獻亞獻執爵祭酒三祭於茅苴奠爵執笏俛伏

興少退北向再拜次詣神宗皇帝神位前酌獻並如上
儀樂止降復位初亞獻行禮將畢次禮直官太常寺博
士引終獻詣洗及升堂酌獻並如亞獻之儀降復位初
皇帝既奠玉幣光祿以牛左臂一骨及長脅短脅俱二
骨以並載於胙俎升設於堂上俟終獻既升獻次引戶
部尚書搏黍太祝太官令升詣飲福位東向立奉俎豆
爵酒者各位於其後禮儀使奏請詣飲福位前導皇帝
詣飲福位登歌樂作將至位樂止登歌胙安之樂作皇

帝至飲福位北向立尚醞典御執尊詣酌尊所良醞令酌上尊福酒合置一尊典御奉尊詣飲福位以授殿中少監尚醞奉御執爵殿中少監酌之奉御以爵酒授殿中監殿中監西向捧以立禮儀使奏請再拜皇帝再拜殿中監跪以爵酒進禮儀使奏請搢大圭跪受爵祭酒三祭於地啐酒奠爵殿中監跪受爵以興諸太祝帥執事者持胙進臧神位前正脊二骨橫脊二骨加於俎上內侍受俎以授戶部尚書戶部尚書西向跪以進皇帝

受俎奠之戶部尚書仍受以興降復位太官令取黍於
簋搏以授太祝太祝受以豆東向跪以進皇帝受訖奠
之太祝受豆以興降復位次殿中監再跪以爵酒進禮
儀使奏請受爵飲福酒奠爵殿中監受虛爵興以授典
御奉御執事者俱降復位禮儀使奏請執大圭俛伏興
又奏請再拜皇帝再拜樂止禮儀使前導皇帝還版位
登歌樂作至位西向立樂止次引禮部尚書升堂徹籩
豆戶部兵部工部尚書升堂徹俎

籩豆及牛羊豕各
一俱少移故處

登

歌歆安之樂作卒徹樂止禮部戶部兵部工部尚書降
復位禮直官曰賜胙行事陪祠官拜贊者承傳曰賜胙
再拜在位者皆再拜送神宮祭誠安之樂作一成止

望燎

誠安之樂畢禮儀使奏請詣望燎位前導皇帝降阼階
登歌樂作至堂下樂止宮祭樂作至位南向立樂止初
賜胙再拜訖郊社令以黍稷肺祭藉以白茅束之吏部
侍郎帥太祝執篚進詣神位取玉幣祝冊藉以茅又以

俎載牲體黍稷飯爵酒俱降自西階南行詣柴壇自南
陞升以玉幣祝冊牲體饌物置於燎柴禮直官曰可燎
東向各以炬燎半柴禮儀使奏禮畢前導皇帝還大次
宮架憇安之樂作出明堂東門外禮儀使奏請釋大圭
殿中監跪受大圭以還有司侍衛如常儀皇帝至大次
樂止禮部郎中奏解嚴引大禮使以下詣東偏門外揖
位立禮直官贊禮畢揖訖退通事舍人引陪祠文武官
及宗室客使以次出將士不得輒離部位

政和五禮新儀卷三十二

欽定四庫全書

政和五禮新儀卷三十三

吉禮

皇帝宗祀上帝儀四

紫宸殿受賀

前期殿中監帥其屬尚舍設御座於紫宸殿當中南向
又于殿後設御門如儀儀鸞司設文武百僚次于殿閣
之外隨地之宜其日祀事禮畢管軍臣僚東上閣門官

引駕詣紫宸殿後閣文武百僚並常服入就次少頃東上閣門御史臺分引詣殿廷立班東上閣門附內侍進班齊牌皇帝常服出升御座鳴鞭禁衛奏聖躬萬福次舍人揖管軍臣僚等并行門躬贊再拜管軍臣僚以下皆再拜班首奏聖躬萬福舍人引班首出班俛伏興跪致詞訖俛伏興退復位舍人揖躬贊再拜管軍臣僚以下皆再拜三稱萬歲內侍詣御座前承旨退降階西向宣荅訖舍人贊再拜管軍臣僚以下皆再拜三稱萬歲

舍人贊各祇候管軍臣僚詣殿下侍立行門分左右立
次太史局官詣當殿北向立舍人揖躬贊再拜太史局
官再拜奏聖躬萬福出班躬身奏祥瑞訖退復位舍人
揖躬贊再拜太史局官再拜訖贊祇候太史局官東出
次舍人揖樞密以下躬舍人當殿通某官姓名以下起
居稱賀訖轉身于班前西向立舍人贊再拜樞密以下
皆再拜揖笏舞蹈三稱萬歲又再拜班首不離位奏聖
躬萬福又再拜舍人引班首出班俛伏跪致詞訖俛伏

興退復位舍人揖躬贊再拜樞密以下皆再拜搢笏舞

蹈三稱萬歲又再拜東上閣門官當殿北向承旨退西向

稱有制樞密以下皆再拜宣荅訖復位舍人曰再拜樞

密以下皆再拜搢笏舞蹈三稱萬歲又再拜樞密直學

士升殿侍立

並皆西升

知客省事以下殿廷東侍立餘官分

班出舍人禮直官揖宰臣以下躬舍人當殿通文武百

僚宰臣姓名以下起居稱賀

三公通某官

舍人揖班首以下

橫行北向立

學士侍制兩省官將軍仍舊向立

稱賀如上儀

唯典儀贊者退詣折

擺樞密詣御座前承樞

賀訖宰相執政官升殿東西相

向立

宰臣執政官升東中書侍郎升西階

樞密直學士下殿餘官以次退

皇帝降座鳴鞭上侍立官以次退

宣德門肆赦

前期殿中監帥其屬尚舍張設宣德門之內外又設御座于前楹當中南向又設御幄于後東上閣門設捧赦書儀物于御座之東稍南儀鸞司設文武百僚次于樓前隨地之宜八作司設鷄竿于御街之東稍北大晟府

設鉦鼓一于宮架之西稍北東向其日刑部大理寺開封府以囚徒集于仗後東上閣門御史臺太常寺設文武百官位于樓下皇帝御紫宸殿受賀畢少頃乘輦升宣德門至御閣東降輦歸御閣簾降內侍進呈赦書東上閣門官于樓下侍立

二員於樓上祇應

禮直官通事舍人分

引三公親王以下詣樓前分班立定左輔樞密升詣御座之東翰林學士承旨一員升詣御座之西俱南向立

翰林學士承旨
閣即翰林學士

次引禮部侍郎奏請中嚴少頃又奏外

辦降復本班簾卷大樂正令撞黃鐘之鐘右五鐘皆應
乾安之樂作內侍索扇扇合皇帝出御閣臨軒即御座
樓下鳴鞭簾卷內侍贊扇退樂止侍衛如常儀禮直官
通事舍人分引王公親王以下橫行北向立定

學士侍制兩省

官將畢仍舊相向立

典儀曰再拜在位官皆再拜分班東西相向

立定樓下舍人詣樓前北向立左輔詣御座前承旨退
稍前西向曰奉勅立金鷄退復位樓下舍人應諾趨詣
文武班南北向揖訖東向宣曰奉勅立金鷄宣付所司

退復位金鷄初立大晟府擊鼓投一杖因集鼓聲止

初宣

立金鷄即擊鼓立金鷄訖即止更不投杖

樓上降赦書閣門受以置於案承

受二人舉案於東偏門之西南舍人二員對捧東上閣門官揖引至班心北向揖稱宣付門下省退詣案西東向立引門下侍郎詣案南北向搢笏跪閣門捧赦書以授門下侍郎門下侍郎受訖執笏俛伏興舍人捧案退置於樓下近於北訖歸本班東上閣門官還侍立位次引門下侍郎捧赦書詣班前北向俛伏跪奉制書請

付施行

制書權付
禮直官

奏訖俛伏興躬身北向次引左輔詣

御座前承旨退西向宣曰制可退復位門下侍郎稱宣付

班首稍西東向立次班首相向各俛伏跪門下侍郎搢

笏捧制書以授班首受訖執笏俛伏興捧歸位以付舍

人舍人跪受付提點承受啟封訖復授舍人舍人捧制

書折方行至班心近南西向又折方北向東上閣門官

一員并捧制書舍人於左省班復詣宣制位

起居郎舍
人一員提

舍人宣曰有制典儀曰再拜在位官皆再拜舍人宣

制至咸赦除之獄吏詣班南北向躬稱脫枷訖奏聖躬
萬福三稱萬歲以罪人過宣制訖樓上舍人贊樞密院
官左輔翰林學士承旨興賀再拜

樓上閣門
官不拜

東上閣門

官歸侍立舍人捧制書詣前東向立搢笏跪以制書授
班首班首受訖舍人執笏退復侍立位禮直官次引刑
部尚書詣班首前東向搢笏跪班首搢笏以制書授刑
部尚書刑部尚書受訖執笏以制書加於笏上以授所
司歸本班禮直官通事舍人引三公親王以下及應橫

行官就北向位立定典儀曰再拜在位官皆再拜禮直官
通事舍人引班首稍前俛伏跪致詞訖俛伏興典儀曰
再拜在位者皆再拜搢笏舞蹈三稱萬歲又再拜東上
閣門官詣樓前承旨退於班首前西向稱有制典儀曰
再拜在位者皆再拜東上閣門官宣荅訖歸侍立位典
儀曰再拜在位者皆再拜舞蹈三稱萬歲又再拜禮直
官通事舍人引三公親王以下分東西班序立禮直官
引左輔詣御座前奏禮畢退復位內侍索扇扇合大樂

正令撞蕤賓之鐘左五鐘皆應乾安之樂作簾降皇帝
降座還御幄樂止樓下鳴鞭舍人詣樓前北向承旨四
色官應喏舍人北向稱奉勅放仗四色官趨至班南宣
曰奉勅放仗百僚再拜退宣詞令舍人於樓下宣勞將
士訖退

賜茶酒按
馬隊如儀

政和五禮新儀卷三十三

欽定四庫全書

政和五禮新儀卷三十四

吉禮

宗祀上帝儀

有司行事

時日

齋戒

奏告

陳設

省牲器

奠玉幣

進熟

望燎

時日

太常寺預於隔季以季秋擇日祀上帝于端誠殿關太
史局太史局擇日報太常寺參酌訖具時日散告

齋戒

前祀十日受誓戒於尚書省其日五鼓贊者設位版於公相廳下初獻在左刑部尚書在右並南向亞終獻位於其南稍東北向西上監察御史位於其西稍北東向戶部兵部工部尚書大司樂光祿卿大樂令光祿丞位於其南稍西北向東上

大樂令光祿丞位皆稍却

奉禮協律郎太祝

郊社太官令位於其東西上北向質明贊者引行事執事者就位立定禮直官引初獻降階就位禮直官贊揖在位者對揖訖初獻搢笏讀誓文云某月某日季秋大

享明堂祀上帝各揚其職不共其事國有常刑讀訖執笏禮直官贊奉禮協律郎太祝郊社太官令先退餘官對拜乃退散齋七日治事如故宿於正寢不弔喪問疾作樂判書刑殺文書決罰罪人及與穢惡致齋三日

光祿

卿丞太官令齋三日

二日於本司

無本司者於太常齋舍質明至齋所

准祀事得行

其餘悉禁前祀一日質明俱赴祠所齋宮官給酒饌與祀之官已齋而闕者通攝行事

奏告

前祀二日奏告神宗皇帝室如常告之儀

陳設

前祀三日儀鸞司設行執事官次於端誠殿之東偏門外隨地之宜設饌幔於端誠殿門外前二日光祿牽牲詣祠所前一日郊社令帥其屬掃除殿之内外太常設

神位席太史設神位版於殿上

凡設神位版皆郊社令監視

太常設

祭器

凡設祭器皆藉以席籩豆又加巾蓋

以俟告潔

既畢權徹

光祿陳牲於東

偏門外之北西向祝史各位於牲後太常設省牲位於牲

北三獻官在西東向戶部兵部工部尚書大司樂光祿卿大樂令光祿丞奉禮協律郎太祝郊社太官令在東西向俱北上

凡設太樂令以下位皆稍却

監察御史於戶部尚書之

北少絕光祿陳禮饌於東偏門外南向太常設省饌位版於禮饌之南三獻官在南北向西上監察御史在西東向戶部兵部工部尚書大司樂光祿卿大樂令光祿丞奉禮協律郎太祝郊社太官令在東西向北上大晟設登歌之樂於殿上稍南北向又設官架於殿廷內立

舞表於鄮綴之間祀日丑前三刻禮直官贊者諸司職

掌各服其服太常設神位席太史設神位版上帝位于

端誠殿上北方南向神宗皇帝位于端誠殿上東方西

向俱席以莞太常陳玉於神位之右

玉以蒼璧盛以匣燔玉用珉

禮

神之玉奠於神前燔玉加於幣

配位不用玉

陳幣篚各於神

位之左

幣以蒼

祝版各於神位之右置於坵次設祭器光

祿實之每位各左十有二簋為三行以右為上

第一行形鹽在

前魚鱸搜餌粉饗次之第二行撝寔在前乾糗乾桃乾蕡次之第三行菱在前芡栗鹿脯次之右十有二豆

為三行以左為上

第一行芹菹在前荀菹葵菹菁菹次之第二行韭菹在前配食魚醢醢醢

次之第三行豚拍兔醢在前鹿醢醢食次之

俎三二於籩前為二重以北為

上

第一重實以牛腥七體兩髀兩肩兩脅並脊兩髀在兩端兩肩兩脅次之脊在中第二重實以羊腥七體其載

如牛若配位即

以東為上一在豆前

實以豕腥七體其載如羊

又俎六在豆右為二

重以北為上

第一重一實以牛腥腸胃肺離肺一在上方肺三實以牛腥腸胃肺三胃三又次之一實以

羊腥腸胃肺其載如牛一實以豕腥膚九皆模載第二重一實以牛熟腸胃肺一實以豕熟膚其載如腥皆牛在

左羊在中豕在右若配位即以東為上

登一在籩豆間

實以大羹

槃一在登前

實以毛血簋二簋二在籩豆外簋在左簋在右

簋實以稻梁梁在稻前簋

實以黍稷
稷在黍前

設太尊五山尊五為二重在殿上東南隅北

向西上

配位設於正
位酒尊之東

太尊在前皆有坫加勺罍為酌尊

太尊一實明水為上尊一實以泛齊代以供內法酒初
獻官酌之山尊一實明水為上尊餘實以醴齊代以祠

祭法酒亞
獻酌之

又設太尊二山尊二千神位前

太尊一實泛齊
山尊一實醴齊

各以一尊
實明水

著尊二犧尊二象尊二壺尊六在下

著尊一實
盞齊犧尊

一實醴齊象尊一實沉齊各以一尊實明水
壺尊三實玄酒三實三酒明水玄酒皆在上

俱北向西

上加罍五齊三酒皆設而不酌太常設燭於神位前又

設俎六於饌幔內洗二於殿庭東階之東南北向南直

東雷

盥洗在東
爵洗在西

罍在洗東加勺篚在洗西南肆實以巾

若爵洗之篚則
又實以爵加玷

執壘篚者各位於其後又設揖位於東

偏門之外如省牲位

唯不設光祿卿丞位

積柴於燎壇設望燎位

於殿庭東階下三獻官在北南向西上監察御史在西

東向戶部兵部工部尚書大司樂奉禮協律郎太祝

郊社令在東西向北上又設三獻官席位於殿下東階

之稍南西向南上戶部兵部工部尚書又於其南少絕

西向北上監察御史席位於殿庭之南奉禮郎太祝郊

社太官令位於其後大司樂大樂令席位於監察御史
之東協律郎位於其後光祿卿席位於大司樂之東俱
北向西上又設監察御史位於殿上前楹之西東向
奉禮郎太祝郊社令在東西向北上大樂令在樂廡北
太官令於酌尊所俱北向協律郎位二一於殿上前楹
間稍西一於宮架之西北俱東向大司樂位于宮架北
北向

省牲器

前祀一日行事執事官集初獻齋所肄儀太祝習讀祝文視玉幣及神位版訖並赴端誠殿東偏門外次禮直官贊者分引行事執事官詣偏門外省牲器位

凡初獻行事禮

直官引餘官皆贊者引

立定禮直官贊揖次引大司樂入行樂架

次引監察御史升自西階

凡行事執事官升降皆自西階

視滌濯執事

官舉罍曰潔降復位禮直官稍前曰告潔畢請省牲太祝出班巡牲一匝詣初獻前北向躬曰充退復位光祿丞出班巡牲一匝詣初獻前北向躬曰臚退復位禮直

官贊者省牲畢請詣省饌位揖訖引行事執事官各就位立定禮直官贊揖所司省饌畢禮直官贊省饌畢揖訖俱還齋所光祿丞太祝以次牽牲詣厨授太官令次引監察御史詣厨省鼎鑊視祭器滌漑協律郎展視樂器乃還齋所未後一刻太官令帥宰人以鸞刀割牲祝史以槃取毛血各置於饌所遂烹牲脯後郊社令帥其屬掃除壇之内外訖還齋所

奠玉幣

祀日丑前五刻

行事用丑時七刻

初獻以下並赴端誠殿東偏

門外各就次郊社令先入視設神位版訖退樂正帥工

人二舞入就位

登歌工人候監察御史點閱訖升西階各就位

次太官令帥其

屬實饌具畢次引光祿卿入詣殿庭南席位北向立贊

者曰再拜光祿卿再拜升殿點視饌畢次引監察御史

升殿點閱陳設糾察不如儀者

凡點視點閱皆先詣正位

光祿卿退

還齋所餘官各服祭服次引行事執事官各就東偏門

外揖位立定禮直官贊揖次引太司樂大樂令協律郎

先入就殿庭席位北向立贊者曰再拜大司樂以下皆再拜各就位次引監察御史奉禮郎太祝郊社太官令入就殿庭席位北向立次引初獻官戶部兵部工部尚書亞終獻俱入就殿庭席位西向立定禮直官稍前贊有司謹請行事協律郎跪俛伏舉麾興工鼓祝宮架作景安之樂帝臨嘉至之舞六成偃麾憂敵樂止

凡樂皆協律郎

跪俛伏舉麾興工鼓祝而後作偃麾憂敵而止

太常升烟燔牲首贊者曰再拜

在位者皆再拜次引監察御史奉禮郎太祝郊社太官

令升殿各就位立定

太官令就正位酌尊所

次引初獻詣盥洗位

官架正安之樂作

初獻升降行止皆作正安之樂

至洗位北向立搯笏

盥手悅手執笏升殿樂止登歌樂作詣上帝神位前北

向立樂止登歌嘉安之樂作搯笏跪次引奉禮郎搯笏

西向跪執事者以玉幣授奉禮郎奉禮郎奉玉幣授初

獻訖執笏興先詣神宗皇帝神位前北向立初獻受玉

幣奠訖執笏俛伏興再拜訖樂止次引初獻詣神宗皇

帝神位前東向立

酌獻詣酌位准此

奠幣如上儀

惟登歌作樂就安之樂

止奉禮郎引復位初獻將降階登歌樂作降階樂止宮
架樂作復位樂止

進熟

祀日有司設鼎六於神厨各在鑊右光祿卿帥進饌者

詣厨以匕升牛于鑊實于一鼎

肩胛肱肱肱正脊一直脊一橫脊一長脊一短

脊一代脊一皆二骨以並

次升羊如牛實于一鼎次升豕如羊實于一

鼎

正配位各實牛羊豕鼎一

皆設局幕祝史對舉入設於饌幔內俟

初獻既升奠玉幣入陳於殿庭西階下北向東上祝史抽

局委于鼎右除冪初鼎序入有司執七及俎以從至西

階下各設于鼎西南肆七加于鼎光祿以七升牛載于

一俎

肩臂膈在上端肱脰在下端脊脅在中

次升羊如牛載于一俎次升

豕如羊載于一俎

正配位各設牛羊豕組一

鼎先退次引戶部兵部

工部尚書詣西階之下搢笏奉俎

戶部奉牛兵部奉羊工部奉豕

升殿

宮架豐安之樂作詣上帝神位前北向跪奠先薦牛次

薦羊又薦豕各執笏俛伏興有司設于豆右腸胃膚之

前

牛在左羊在右

次詣神宗皇帝神位前東向奉俎如上

儀訖樂止俱降復位初奠俎訖引太祝取菹孺於醢祭於豆
間三又黍稷肺祭如初俱藉以茅退復位次引初獻再
詣盥洗位宮架樂作至洗位北向立搢笏盥手悅手執
笏詣爵洗位搢笏洗爵拭爵以授執事者執笏升殿樂
止登歌樂作詣正位酌尊所西向立樂止登歌嘉安之
樂作執事者以尊授初獻搢笏執爵執尊者舉罍太官
令酌太尊之泛齊訖先詣配位酌尊所北向立初獻以
爵授執事者執笏詣上帝神位前北向立搢笏跪執事

者以爵授初獻執爵祭酒三祭于茅苴奠爵執笏俛伏
興少立樂止次引太祝於神位前東向搢笏跪讀祝文
讀訖執笏興先詣神宗皇帝神位前南向立初獻再拜次
詣神宗皇帝神位前酌獻並如上儀

惟登歌作
德安之樂

樂止太

官令復詣正位酌尊所太祝復位初獻將降階登歌樂
作降階樂止宮架樂作復位樂止文舞退武舞進宮架
正安之樂作舞者立定樂止次引亞獻詣盥洗位北向
立搢笏盥手悅手執笏詣爵洗位北向立搢笏洗爵拭

爵以授執事者執笏升殿詣正位酌尊所西向立宮架
作文安之樂神娛錫羨之舞執事者以爵授亞獻亞獻
搢笏執爵執尊者舉冪太官令酌山尊之醴齊訖先詣
配位酌尊所北向立亞獻以爵授執事者執笏詣上帝
神位前北向立搢笏跪執事者以爵授亞獻亞獻執爵
祭酒三祭于茅苴奠爵執笏俛伏興再拜次詣神宗皇
帝神位前行禮並如上儀訖樂止降復位次引終獻詣
洗及升殿行禮並如亞獻之儀降復位次引太祝徹籩豆

蓮豆各一少移故處登歌肅安之樂作卒徹樂止次引郊社令東

茅訖俱復位禮直官曰賜胙贊者承傳曰賜胙再拜在位者皆再拜送神宮架景安之樂作一成止

望燎

初景安之樂畢引三獻官戶部兵部工部尚書詣望燎位宮架樂作至位樂止有司各詣神位前取玉幣祝版饌物及牲之左髀束茅置於燎壇次引監察御史大司樂太樂令奉禮郎協律郎太祝郊社令詣望燎位立定

禮直官曰可燎火燎半柴次引初獻以下詣東偏門外
揖位禮直官贊禮畢揖訖退太官令帥其屬徹禮饌次
引監察御史升殿監視收徹訖還齋所光祿卿以胙奉
進監察御史就位展視光祿卿望闕再拜乃退

政和五禮新儀卷三十四

欽定四庫全書

政和五禮新儀卷三十五

吉禮

皇帝祈穀祀上帝儀上

時日

齋戒

奏告

陳設

車駕自大慶殿詣青城

省牲器

奠玉幣

進熟

望燎

車駕還內

時日

前期降御札以來年正月上辛祈穀祀上帝具時日散告

齋戒

前祀十日質明有司設行事執事及陪祠文武官位於
朝堂太宰刑部尚書在北南向太宰在左刑部尚書在

右

刑部尚書稍却

行事太宰左丞在南吏部戶部禮部尚書吏

部禮部侍郎大司樂光祿卿大樂令光祿丞在其南

凡設

大樂令光祿丞皆稍却如朝獻朝享即功臣獻官在光祿丞下

執事官又在其南俱北

向西上監察御史位二在西東向北上讀冊舉冊官奉

禮協律郎太祝郊社太官令在東西向北上

奉禮郎以下位皆稍

却

又設陪祠文武百官位於行事官之南又設行事執

事及陪祠親王宗室位於太廟齋坊少宰刑部侍郎在

北南向少宰在左刑部侍郎在右

刑部侍郎稍却

亞終獻在南

北向西上親王及行事執事陪祠宗室在東西向北上

東上閣門御史臺太常寺以下分引羣官各就位

凡引行事

執事陪祠文武官立班即御史臺引殿中侍御史一員先入就位

太宰讀誓於朝堂刑

部尚書涖之少宰讀誓於太廟齋坊刑部侍郎涖之誓

文曰來年正月某日上辛皇帝祈穀祀上帝

如朝獻朝享即云前

二日景靈宮前
一日朝享太廟

各揚其職其或不恭國有常刑讀訖

內朝

常職事官奉禮郎以下文官宣德郎以下武官從義郎以下先退

餘官並對拜訖退

皇帝散齋七日於別殿致齋三日

二日於大慶殿
一日於青城如

朝獻朝享即一日於大慶殿
一日於太廟一日於青城

凡散齋不弔喪問疾作樂

有司不奏刑殺文書致齋日前後殿不視事惟行祀事

前致齋一日殿中監帥其屬尚舍鋪御座於大慶殿當中
南向設御座之左右稍北又設西閣及齋室於殿後之
左右殿上前楹施簾致齋之日質明有司陳大駕鹵簿

於宣德門外尚輦陳平輦於垂拱殿廷文武百官俱就次各服其服東上閣門奏請皇帝未後詣齋室通事舍人等自下分引知樞密院事以下詣垂拱庭立班東上閣門附內侍進班齊牌垂拱殿簾降皇帝乘輦出殿上少駐輦官迎駕自贊常起居次宣輦官上殿簾卷鳴鞭行門禁衛諸班親從迎駕自贊常起居次舍人先贊知內侍省官以下常起居次樞密以下通班常起居贊祇候引駕樞密知客省事以下至簽書東上閣門官分

左右立六尚局應奉官祇應通侍大夫以下武功大夫
以下並先退次管軍臣僚宣名常起居贊祇候引駕並
分左右前導輦降東階垂拱殿門外禁衛諸班親從自
贊常起居次行宮使御營巡檢一班常起居

如通侍大
夫以下知

容省事以下武功大夫以下知內侍兩省帶
御器械官充行宮使御營巡檢各歸本班

至大慶殿

後閣降輦入西閣大慶殿簾降前導官並就次易朝服

詣御榻前分左右侍立

知樞密院事簽書樞密院事在
東西向北上同知樞密院事在

西東向在輔在知樞密院事之北贊拜東上閣門官一
員又在其北並西向知容省事以下在簽書樞密院事

之南稍東西向北上簽書客
省事以下又在其南稍却

通事舍人等分引行事執事

陪祠文武官各綰結佩入詣大慶殿庭立班舍人引禮
部侍郎奏請中嚴侍臣詣幄奉迎內外符寶郎奉寶先
陳於御榻之左右少頃引禮部侍郎奏外辦皇帝服通
天冠絳紗袍綰結佩出西閣乘輿稱警蹕侍衛如常儀
由西房至御榻西降輿皇帝即御座南向侍臣夾侍贊
拜東上閣門官於榻前贊樞密以下拜殿之上下應在
官皆再拜

東上閣門官贊拜訖轉身北
向隨拜訖面西贊各祇候

次禮直官引左

輔詣御座前俛伏跪奏稱左輔具官臣某言請皇帝降

座就齋室奏訖俛伏興還侍位

凡左輔奏請准此

皇帝降座乘

輿由東房入齋室侍臣各還所司直衛者如常儀通事

舍人分引行事執事陪祠文武官以次出

三省親王樞密宗室起居

問聖體並如上儀

應行事執事陪祠官及從升官並散齋七日

宿于正寢致齋三日各宿於其次

三省樞密院官各宿於本廳及都從官并

尚書侍郎分宿於秘書省堂侍後省餘官內庭有所司者各宿于中書司諸方客使許赴陪位者各宿于其次
凡散齋治事如故惟不弔喪問疾作樂判書刑殺文書

決罰罪人及與穢惡致齋之日官給酒饌唯祀事得行其餘悉禁與祀之官已齋而闕者通攝行事

奏告

前祀二日奏告太宗皇帝室如常告之儀

陳設

前祀三日殿中監帥其屬設大次於外壝東門之內道北南向小次於午階之東西向儀鸞司設文武侍臣次于大次之前隨地之宜行事陪祠官宗室及有司次於外

壇東門之外設東方南方客使次于文官之後西方北方客使次于武官之後設饌幔于內壇東門之外道北南向前祀二日郊社令帥其屬掃除壇之上下積柴于燎壇光祿牽牲詣祠所大晟陳登歌之樂于壇上稍南北向設宮架於壇南內壇之外立舞表于鄼綴之間前祀一日太常設神位席太史設神位版上帝位於壇上北方南向席以橐秸太宗皇帝位于壇上東方西向席以蒲越告潔畢奉祀郎禮直官設皇帝位版于壇下小次前權微

西向飲福位於壇下午階之西北向望燎位于柴壇之

北南向設燿火于望燎位之東南向

東西各六人

贊者設亞

終獻位於小次之南稍東西向大禮使太宰左丞在於

其南行事吏部禮部尚書吏部禮部侍郎光祿卿讀冊

舉冊官光祿丞位於大禮使之東

光祿丞稍却

奉禮郎搏黍

太祝郊社太官令位於小次之東北俱西向北上監察

御史位二一於壇下午階之西南一於子階之西北俱

東向協律郎位二一於壇上樂廡之西北一於宮架之

西北俱東向大樂令位於登歌樂處之北大司樂位於
宮架之北良醞令位于酌尊所俱北向又設陪祠文武官
位于執事者之南諸方客使在文官之南隨其方國光
祿陳牲於東墼門外西向祝史各位於牲後太常設省
牲位於牲西大禮使太宰左丞在南北向西上行事吏
部戶部禮部尚書吏部禮部侍郎大司樂光祿卿讀冊
舉冊官太樂令光祿丞奉禮協律郎搏黍太祝郊社太
官令在北南向西上

凡設大樂令以下位皆稍却

監察御史在吏部

尚書之西異位稍却光祿陳禮饌於東墻門外道北南向太常設省饌位版於禮饌之南大禮使太宰左丞在南北向西上監察御史位二俱在西東向北上行事吏部戶部禮部尚書吏部禮部侍郎大司樂光祿卿讀冊舉冊官大樂令光祿丞奉禮郎協律郎搏黍太祝郊社太官令在東西向北上禮部帥其屬設祝冊案於神位之右司尊彝帥其屬設玉幣篚於酌尊所次設籩豆簋簋之位每位皆左十有二籩右十有二豆俱為三行俎

三一在籩前二在豆后為二重登一在籩豆間簋一簋

一在籩豆外簋在左簋在右又設尊坩之位每位皆太

尊五山尊五為二重在壇上東南隅北向西上

配位設於正位

酒尊之東

太尊在山尊前皆有坩加勺幕為酌尊又太尊二

山尊二在神位前著尊二在壇下午階之西

配位設于壇下西階

之象尊二壺尊六在壇下午階之東

配位設于壇下南階之南

俱北

向西上

配位即東向北上

皆加幕設而不酌又設每位籩豆簋

簋俎各一於饌幔內設御洗二於壇下午階東南北向

盥洗在東若爵爵洗在西盥疊在洗東加勺盥篚在洗西南肆寔以巾若爵

篚即又寔以爵加站設皇帝位於壇南北向內侍酌水位於洗東

執巾位於酌水內侍之北俱西向吏部侍郎位於爵洗

之西東向又設亞終獻盥洗爵洗於本位之南疊篚各

設於左右皆西向執疊篚者位其後祀日丑前五刻郊

社令與太史官屬各服其服升壇設上帝太上皇帝神

位版於壇上太府卿少府監帥其屬陳玉幣於篚上帝

璧或于匣幣皆以禮神之玉置於神位前燔玉加於幣蒼配位不用玉

光祿卿帥其屬入實籩豆簠簋

遜三行以右為上第一行形鹽在前魚鱸模餌

次之第二行榛實在前乾桃乾榛乾棗次之第三行菱在前芡栗鹿脯次之豆三行以左為上第一行芹菹在

前筍菹葵菹菁菹次之第二行韭菹在前醢食魚醢兔醢次之第三行豚拍在前鹿醢醢醢次之簠實以稻簋

實以黍登實以太羹太官令帥其屬入實俎

遜前一俎實以牛腥七體兩髀兩肩兩脅

并脊兩髀在兩端兩肩兩脅次之脊在中豆右之俎為二重以壯為上第一重實以牛腥腸胃肺雜肺一在上端刲

肺三次之腸三胃三又次之第二重實以牛熟腸胃肺其載如腥若配位即以束為上

良醢令帥

其屬入實尊

太尊實以泛齊山尊實以醴齊著尊實以盎齊犧尊實以醴齊象尊實以沉齊各以

一尊實明水壺尊三實玄酒三實三酒明水玄酒皆在上

太常設燭於神位前又設

大禮使以下行事執事官揖位於卯階之東內壝外如
省牲位所司陳異寶嘉瑞及伐國之寶於宮架之南東
西相向

政和五禮新儀卷三十五

欽定四庫全書

政和五禮新儀卷三十六

吉禮

皇帝祈穀祀上帝儀中

車駕自大慶殿詣青城

前祀一日陪祠文武官先詣祈穀壇齋宮其日導駕官
以下就次各服其服尚輦奉御進輿于大慶殿乘黃令
進玉輅于宣德門內南向設千牛將軍一員位于輅前

北向門下侍郎一員位於左輔之前贊者二人位又於其前少頃東上閣門御史臺太常寺分引左輔門下侍郎太僕卿乘黃令詣大慶殿西階下立北向東上

乘黃令位

其次引導駕官在其後東西相向立以俟奉迎前導次

管軍臣僚次行宮使御營巡檢等又在其後禮直官通

事舍人引禮部侍郎奏請中嚴

凡左輔門下侍郎禮部侍郎奏請皆禮直官

通事舍人引

少頃又奏外辦皇帝服通天冠絳紗袍乘輿以

出降自西階稱警蹕如常儀宣贊舍人贊左輔以下常

起居次導駕官常起居

已起居者止奏聖躬萬福

次管軍臣僚次行

宮使御營巡檢等常起居

該宣名者即宣名

太僕卿出詣玉輦

所攝衣而升正立執轡導駕官導皇帝出大慶殿門外

至玉輦所千牛將軍前跪執轡左輔進當輿前俛伏跪

奏左輔具官臣某言請皇帝降輿升輅奏訖俛伏興退

復位

凡左輔奏請准此

乘黃令稍前東向進玉輅皇帝降輿升

輅太僕卿立授綏導駕官分左右步導門下侍郎進當

輅前俛伏奏門下侍郎具官臣某言請車駕進發奏訖

俛伏興退復位

凡門下侍郎奏請准此

車駕動稱警蹕左輔先詣

宣德門內以俟門下侍郎及贊者夾侍以出千牛將軍夾輅而趨車駕將及宣德門至侍臣上馬所門下侍郎奏請車駕少駐勅侍臣上馬左輔前承旨退稱曰制可門下侍郎傳制稱侍臣上馬贊者承傳勅侍臣上馬諸侍御衛之官各督其屬左右翊駕在黃麾內符寶郎奉八寶前導殿中監後部從導駕官夾侍於前贊者在左輔門下侍郎之前侍臣上馬畢次大內留守於宣德門

外再拜奏辭門下侍郎奏請車駕進發車駕動稱警蹕
不鳴鼓吹大駕鹵簿前導詣青城車駕將至青城東上
閤門御史臺分引陪祠文武官宗室客使禮直官贊者
引行事執事官俱詣泰禋門外立班再拜奉迎訖退

內已

起居者止奏
聖躬萬福

車駕及門少駐文武侍臣皆下馬導駕官

步導入門車駕動千牛將軍夾輅而趨至端誠殿前迴
路南向千牛將軍立於輅右左輔奏請皇帝降輅乘輿
尚輦奉御進輿於輅後皇帝降輅乘輿入齋殿侍衛

如常儀導駕官步導至殿前皇帝降輿歸殿後閣簾降
通事舍人承旨勅羣官各還次學士院以祝冊授通進
司進御書訖付尚書禮部

如朝獻朝享即並如冬祀大
禮車駕自太廟詣青城儀

省牲器

省牲之日午後十刻去壇三百步禁行者未後二刻郊
社令帥其屬掃除壇之上下司尊彛帥府史及執事者
以祭器入設於位

凡設祭器皆藉以
席蓮豆又加巾蓋

太府卿少府監陳

幣於篚

告潔畢
權徹

未後三刻禮直官贊者引大禮使以下

詣東墺門外省牲位立定光祿卿丞與執事者牽牲就

位禮直官贊者引大司樂入行樂架

凡亞終獻行事皆禮直官太常博士

引大禮使太宰左丞行事皆禮直官引餘官皆贊者引

次引禮部尚書升自卯階

視滌濯

凡行事執事者升降皆自卯階

次又引太宰申視滌濯執事者

皆舉罽曰潔俱復位禮直官稍前曰告潔畢請省牲次

引禮部尚書侍郎稍前省牲訖退復位次引光祿卿出

班巡牲一匝西向躬曰充曰備次引光祿卿出班巡牲

一匝西向躬曰膾俱復位禮直官稍前曰省牲畢請就

省饌位贊揖訖引大禮使以下各就位立定禮直官贊揖所司省饌具畢禮直官省饌畢贊揖訖俱還齋所先祿卿丞及執事者以次牽牲詣厨授太官令次禮部尚書詣厨省鼎鑊視滌漑協律郎展視樂器乃還齋所晡後一刻太官令帥宰人以鸞刀割牲祝史各取毛血實于槃俱置饌所遂烹牲郊社令帥其屬掃除壇之上下奠玉幣

祀日丑前五刻

行事日丑時七刻

諸祠官及陪祠之官各服其

服郊社令與太史官屬入設神位版太府卿少府監入
陳玉幣光祿卿入陳籩豆簋簋太官令入實俎良醢令
入實尊樂正帥工人二舞以次入與執尊壘篚冪者各
就位次通事舍人等分引陪祠文武官及宗室客使各
入就位次禮直官贊者分引大禮使以下行事執事官
就卯階內墻門外揖位立定禮直官贊揖次引監察御
史次引大禮使以下入就位次引監察御史按視壇之
上下糾察不如儀者退復位尚輦奉御進與於齋殿皇

帝服通天冠絳紗袍乘輿以出近侍及扈從之官導從至大次門外皇帝降輿入次簾降禮儀使樞密院官太常卿東上閤門官太常博士禮直官分立於大次外之左右次引禮部侍郎詣前奏請中嚴少頃又奏外辦符寶郎奉寶郎陳於宮架之北禮儀使當次前俛伏跪奏禮儀使具官臣某言請皇帝行事奏訖俛伏興還侍位

禮儀使奏禮畢准此

簾捲皇帝服袞冕以出侍衛如常儀禮儀使

以下前導至中壝門外殿中監跪進大圭殿中少監副

之凡殿中監進主受禮儀使奏請執大圭前導皇帝入

自正門侍衛不應入協律郎跪俛伏舉麾興凡行禮執事者取物

奠物皆跪工鼓祝宮架儀安之樂作皇帝升降行止皆作此樂至午

階版位西向立偃麾憂敵樂止凡樂皆協律郎跪俛伏舉麾興工鼓祝而後作

而後止禮儀使以下分左右侍立凡行禮皆禮儀使

東上閣門官太常博士禮直禮儀使前奏有司謹具請

行事宮架作景安之樂帝臨降康之舞六成止太常升

煙燔牲首禮儀使奏請再拜皇帝再拜贊者曰再拜在

位官皆再拜內侍取玉幣于篚立於尊所次引太宰吏部尚書侍郎升詣上帝神位前立太宰吏部尚書俱西向北上侍郎東向禮儀使前導皇帝詣盥洗位官架樂作至洗位北向立樂止內侍酌水以進禮儀使奏請搢大圭盥手內侍跪取巾於篚興以進皇帝悅手內侍受巾跪奠於篚禮儀使奏請執大圭前導皇帝升壇大禮使從

皇帝升降大禮使皆從左右侍衛量人數升

宮架樂作至壇下樂止升自

午階登歌樂作至壇下樂止登歌嘉安之樂作殿中監

跪進鎮圭禮儀使奏請搢大圭執鎮圭前導皇帝詣上帝神位前北向立內侍先設纁藉於地禮儀使請跪奠鎮圭於纁藉執大圭俛伏興又奏請搢大圭跪內侍加玉於幣以授吏部尚書吏部尚書以授太宰太宰西向跪以進禮儀使奏請受玉幣皇帝受奠訖吏部侍郎東向跪受以興進奠于上帝神位前太宰吏部尚書侍郎俱詣太宗皇帝神位前以俟禮儀使奏請執大圭俛伏興內侍取鎮圭纁藉詣太宗皇帝神位前先設纁藉於

地禮儀使奏請再拜皇帝再拜訖樂止禮儀司前道皇

帝詣太宗皇帝神位前東向奠幣並如上儀

惟登歌作
仁安之樂

太宰以下俱復位禮儀使前道皇帝還版位登歌樂作
內侍舉鎮圭繅藉以鎮圭授殿中監以還有司皇帝降
階樂止官架樂作至版位西向立樂止祝史奉毛血槃
立於壝門外由其階升太祝迎於壇上俱進奠于神位
前太祝與執事者退立於尊所

政和五禮新儀卷三十六

欽定四庫全書

史部

政和五禮新儀卷

三十七至
四十一

詳校官編修臣曹錫齡

編修臣程嘉謨覆勘

總校官庶吉士臣何思鈞

校對官主簿臣汪日贊

謄錄監生臣林李

欽定四庫全書

政和五禮新儀卷三十七

吉禮

皇帝祈穀祀上帝儀下

進熟

祀日有司陳鼎二於神厨各在鑊右太官令帥進饌者

詣厨以匕升牛於鑊實於一鼎

肩臂膈肫脰正脊一直脊一橫脊一長脅一短

脅一代脅一皆二骨以並正配位各一鼎一鑊

皆設局罍祝史對舉陳於饌幔

欽定四庫全書

政和五禮新儀

內重行西向以南為上光祿實籩豆簠簋於饌幔內

籩實

以粉菴豆實以糝食
簠實以梁簠實以稷

次引禮部侍郎詣饌所視腥熟之

節俟皇帝升奠玉幣訖還位樂止禮部尚書詣饌所執

籩豆簠簋以入戶部尚書詣饌所奉俎以入太官令引入

正門宮架豐安之樂作設於阼階之下北向西上奉牲

者在東祝史抽局委于鼎右除冪初鼎序入有司執匕

及俎以從至卯階下各設於鼎西匕加於鼎太官令以

匕升牛載於一俎

肩臂膊在上端肱膈下端
脊脊在中正配位各一俎

鼎先退俟

祝史進徹毛血饗以次出次引禮部尚書搢笏執籩豆簋簠戶部尚書搢笏奉俎以升執事者各迎於壇上禮部尚書奉籩豆簋簠詣上帝神位前北向跪奠啟蓋于下執笏俛伏興有司設籩於糗餌前豆於醢醢前簋於稻前簠於黍前次引戶部尚書奉俎詣上帝神位前北向跪奠執笏俛伏興有司設於豆前次詣太宗皇帝神位前東向跪奠並如上儀樂止俱降復位太祝取菹擣于醢祭於豆間三又取黍稷肺祭如初皆籍用茅各還

尊所次引太宰左丞詣上帝神位前西向立以北為上吏部侍郎詣爵洗位東向立禮儀使前導皇帝詣盥洗位宮架樂作至洗位北向立樂止內侍酌水以進禮儀使奏請搢大圭盥手內侍跪取巾於篚興以進皇帝悅手內侍受巾跪奠於篚禮儀使奏請執大圭前導皇帝詣爵洗位宮架樂作至洗位北向立樂止吏部侍郎跪取爵於篚興以進禮儀使奏請搢大圭受爵內侍酌水以進禮儀使奏請洗爵內侍跪取巾於篚以進皇帝拭爵

內侍受巾跪奠於篚吏部侍郎受爵升自午階禮儀使
奏請執大圭前導皇帝升壇宮架樂作至午階樂止升
自午階登歌樂作至壇上樂止登歌歆安之樂作吏部
侍郎奉爵詣正位酌尊所西向立執尊者舉罍良醕令
酌太尊之泛齊訖次詣配位酌尊所北向立禮儀使前
導皇帝詣上帝神位前北向立禮儀使奏請搢大圭跪
吏部侍郎以爵授左丞左丞授太宰太宰西向跪以進
禮儀使奏請執爵祭酒

三祭于
茅苴

奠爵執大圭俛伏興又

奏請少立樂止太宰左丞俱詣太宗皇帝神位前北向立以俟舉冊官舉祝冊進於上帝神位之右讀冊官搢笏東向跪讀冊文讀訖執笏興先詣太宗皇帝神位前南向立禮儀使奏請再拜皇帝再拜有司奠冊于上帝神位前禮儀使前導皇帝詣太宗皇帝神位前酌獻並如上儀

惟登歌作
紹安之樂

太宰以下俱復位禮儀使前導皇帝

還版位登歌樂作降階樂止宮架樂作至版位西向立樂止禮儀使奏請還小次宮架樂作將至小次禮儀使

奏請釋大圭殿中監跪受大圭皇帝入小次簾降樂止
文舞退武舞進宮架容安之樂作舞者立定樂止初皇
帝將詣小次禮直官太常博士引亞獻詣盥洗位北向
立搯笏盥手帨手執笏詣爵洗位北向立搯笏洗爵拭
爵以授執事者執笏升詣正位酌尊所西向立官架
作隆安之樂神保錫羨之舞執事者以爵授亞獻搯笏
執爵執尊者舉冪太官令酌山尊之醴齊訖次詣配位
酌尊所北向搯笏跪執事者以爵授執事者執笏詣上

帝神位前北向搢笏跪執事者以爵授亞獻亞獻執爵祭酒三祭于茅苴奠爵執笏俛伏興少退北向再拜次詣太宗皇帝神位前酌獻並如上儀樂止降復位初亞獻行禮將畢次禮直官太常博士引終獻詣洗及升壇酌獻並如亞獻之儀降復位初皇帝既奠玉幣光祿以牛左臂一脅及長脅短脅俱二骨以並載于胙俎設于壇下飲福位之西俟終獻既升獻引戶部尚書搏黍太祝太官令詣飲福位東向立奉俎豆爵酒者各位於其

後禮儀使奏請詣飲福位簾捲出次宮架樂作殿中監
跪進大圭禮儀使奏請執大圭前導皇帝詣飲福位將
至位樂止宮架禧安之樂作皇帝至飲福位北向立尚
醞典御執尊升詣酌尊所良醞令酌上尊福酒合置一
尊典御奉尊降詣飲福位以授殿中少監尚醞奉御執
爵殿中少監酌之奉御於爵授殿中監殿中監西向捧
以立禮儀使奏請再拜皇帝再拜殿中監跪以爵酒進
禮儀使奏請搢大圭跪受爵祭酒

三祭
于地

啐酒奠爵殿中

監跪受爵以興太祝帥執事者持胙俎進減神位前正脊二骨加於俎上內侍受俎以授戶部尚書戶部尚書西向跪以進皇帝受俎奠戶部尚書受俎以興退復位太官令取黍於簋搏以授太祝太祝受以豆東向跪進皇帝受訖奠之太祝受豆以興退復位次殿中監再跪以爵酒進禮儀使奏請受爵飲福酒奠爵殿中監受虛爵興以授興御奉御執事者俱退復位禮儀使奏請執大圭俛伏興又奏請再拜皇帝再拜樂止禮儀使前導皇

帝還版位宮架樂作至版位西向立樂止次引禮部尚書升壇徹籩豆戶部尚書升壇徹俎

遷豆俎各一俱少移故處

登歌

成安之樂作卒徹樂止禮部戶部尚書降復位禮直官曰賜胙行事陪祠官拜贊者承傳曰賜胙再拜在位官再拜送神宮架景安之樂作一成止

望燎

景安之樂畢禮儀使奏請詣望燎位前導皇帝詣望燎位宮架樂作至位南向立樂止初賜胙再拜訖郊社令

以黍稷肺祭藉以白茅束之吏部侍郎帥太祝執篚進
詣神位前取玉幣祝冊籍以茅以俎載牲醴黍稷飯爵
酒各由其階降壇南行詣樂壇自南陞升以玉幣祝冊
饌物置於燎柴禮直官曰可燎舉燿火東西各以炬燎
半柴禮儀使奏禮畢前導皇帝還大次宮架樂作出中
壝門外禮儀使奏請釋大圭殿中監跪受大圭以還有
司侍衛如常儀皇帝至大次樂止禮部郎中奏解嚴引
大禮使以下詣卯階之東內壝外揖位立禮直官贊禮

畢揖訖退通事舍人引陪祠文武官及宗室客使以次
出將士不得輒離部位

端誠殿受賀並
如冬祀大禮儀

車駕還內

前期殿中監帥其屬尚舍設御幄於大慶殿門外之東
南向大晟設宮架於宣德門外稍南其日祀事禮畢所
司轉仗衛鹵簿於還途如來儀文武百官宗室客使先
詣宣德門外就次以俟立班奉迎乘黃令進金輅於行
宮殿門外南向千牛將軍一員執長刀立於輅前尚輦

奉迎御輿於齋殿導駕官俱詣齋殿門外奉迎禮部侍

郎奏請中嚴少頃又奏外辦簾捲皇帝服通天冠絳紗

袍乘輿以出應導駕官等並迎駕奏聖躬萬福

內祇應官贊謝

皆再拜

太僕卿出詣金輅所攝衣而升正立執轡皇帝乘

輿降自西階至金輅所左輔奏請皇帝降輿升輅

有司仍具

大輦若乘輦即奏云降輿乘輦

太僕卿立授綏千牛將軍馭駕如來儀

門下侍郎奏請車駕進發車駕動稱警蹕侍衛如常儀

至侍臣上馬所門下侍郎奏請車駕少駐勅侍臣上馬

左輔前承旨退稱曰制可門下侍郎傳制稱侍臣上馬
贊者承傳車駕進發車駕動稱警蹕鼓吹及諸軍樂振
作車駕將至宣德門外文武百官宗室客使並立班再
拜奉迎次大內留守見再拜訖退車駕至宣德門外少
駐文武侍臣皆下馬步導千牛將軍降立于輅右車駕
動千牛將軍夾輅而趨大樂正令奏采茨之樂入門樂
止車駕至御幄前左輔奏請皇帝降輅乘輿

若乘輦即
奏云降輦

乘輿皇帝降輅乘輿以入禮部侍郎奏解嚴通事承旨

勅羣官各還次將士各還其所

若肆赦並如冬祀大禮宣德門肆赦之儀

政和五禮新儀卷三十七